

STATUTONAN NOBO PA ARUBUS

ORANJESTAD(AAN) E compania Arubiano di bus, Arubus, a haya su statutonnan nobo, como empresa Gubernamental.

E acto di firmamento di statutonnan, a tuma lugar na oficina di notario Croes, Dialuna mainta.

Diputado Nel Oduber, Ing. Juan Lopez, y Sr. Hypolito Tromp, a keda nombra como comisario-nan di e compania di bus.

E statutonnan nobo di Arubus, ta bisa entre otro, cu pa casonan juridico, Parlamento di Aruba mes-ter ser informa adelanta.

E compania di bus a cuminsa presta servicio e aña aki, y awor ta asina leu cu te hasta su statutonnan

ta regla.

Pa 1981, Arubus tin diferente plan pa realiza, manera construccion di e garashi y oficina di e compania. Tambe e compania lo duna su servicio di transporte escolar, cu cuater bus.

Na momento di firma-mento di e acto, tabata presente Mr. Miriam Robbers, di A.J.Z., Boy Nico-laas di Departamento di Finanzas Insular y Tico Croes, Hefe di Accountantsdienst.

Pa Parti di Arubus, tabata presente su direc-tor, Wim Maarse, director adjunto, Eddie Briezen, y e administrador Clyde Croes.



HOOFDAGENT MARCOLINO CROES TA CAMBIA FUNCION

ORANJESTAD(AAN) En- trante dia prome di Janua-ri 1981, Hoofdagent, Mar- colino A. Croes, ta ser encarga cu e funcion di Groepscommandant, Sts. Cruz.

Sr. Croes, for di 1962, ta funionario di Cuerpo poli- cial di Antillas Hulandes, y na 1975, a ser promoví pa hoofdagent.

E tin 18 aña di servicio na Surveillancedienst.

Hoofdagent, Ogenio E. Maduro, cu desde 1974, tabata tin e funcion di Groepscommandant, di



Sts. Cruz, den cuadro di planning di su carera, pa futuro, ta ser traslada en- trante dia prome di Janua- ri, pa Bureau Surveillan- cedienst, Oranje- stad, unda e lo ser nom- bra como hefe adjunto di e departamento.

MESTER INTENSIFICA DELIBERACIONNAN HULANDA-ANTILLAS TOCANTE TRAFICO DI DROGA

DEN HAAG (ANP)-

"E discusionnan entre gobiernonan di Hulanda y Antillas Hulandes, pa loke ta trata cooperacion pa combati traficacion ilegal di droga via Antillas, lo worde intensifica." Esaki tabata declaracion di Ministro Van der Stee kende ta maneha e car- tera di asuntonan Hulan- des-Antillano, contes- tando preguntanan haci por escrito di e miembro di Tweede Kamer Jabaaji, di PvdA.

E Ministro a reconoce

cu contrabando di coca- na, for di Sudamerica pa Hulanda a aumenta drasti- camente, durante e ulti- mo añanan. El a bisa cu no por stipula concretamen- te, te na unda Antillas Hulandes a hunga un rol den e traficacion aki.

Ta cu awor Gobierno di

Antillas no a pidi pa aumenta e cantidad di buelonan di patrullahe di Marina Real Hulandes. rond di laman di e islanan Antillano. Si esaki sos- de, nan lo tenele na consi- deracion, den cuadro di e posibilidadnan, segun Ministro Van der Stee.

LESA DIARIO BO MATUTINO



Radio Caruso Booy

F.M. Stereo

DIAMOND CHANNEL

CANAL 74

TRANSMITIENDORIBA

102.7 MEGAHERTS

Telf. 22469

E school cu ta siña LOCUTA y PAGANDO!

Mas JOVEN. mihor MUSICA

Mas PODER y MAS PODEROSO
DI VENTA

E BARANCA DI DIAMANTE

REMINGTON



e sigaria
nobo ariba
plaza -
buské
purbé y
convencé bo mes
di su calidad
excelente !